

## AKTIVNOST PODRUŽNICE GIG-a SARAJEVO

Predsjedništvo Podružnice GIG-a Sarajevo razmatralo je i usvojilo program rada za naredni period.

Formirano je pet grupa u cilju sprovođenja programa rada koji obuhvataju oko 30 članova podružnice.

### PROGRAM RADA PODRUŽNICE GIG-a SARAJEVO

Aktivnost Podružnice GIG-a Sarajevo, bila je usmjerena u dosadašnjem radu, na nekoliko područja kao što su:

- unapredjenje sistema permanentnog obrazovanja članstva;
- angažovanje na praćenju u donošenju stručnih i drugih propisa iz oblasti geodetske struke;
- na pripremi, organizovanju i radu stručnih savjetovanja;
- organizovanju stručnih predavanja iz oblasti geodetske nauke i prakse.

Podružnica u svom daljem radu učiniće sve napore da produži i nastavi djelatnost iz proteklog perioda.

Aktivnost Podružnice u narednom periodu odvijaće se u pravcu dalje afirmacije geodetske struke i udruženja u cjelini na osnovama socijalističkog samoupravljanja, unapredjenja metoda i sadržaja rada delegacija, dosljedne primjene Zakona o udruženom radu, odluka i stavova VII kongresa SK BiH i XI kongresa SKJ, dajući na taj način svoj doprinos razvoju sveukupnih društveno-ekonomskih odnosa i razvoja našeg socijalističkog društva.

Te ciljeve Savez će ostvariti putem sljedećih programskih orijentacija:

- uključivanjem članstva u sve tokove političkog sistema socijalističkog samoupravljanja;
- uključanjem što većeg broja geodetskih stručnjaka u rad Saveza, naročito mladih kadrova;
- formirati podružnice Saveza u radnim organizacijama sa većim brojem geodetskog kadra;

- zalagati se na formiranju opštih društava IT u opštinama i gradu, što bi sigurno doprinjelo većem doprinosu DIT-a društvenoj zajednici;
- raditi na unapredjenju obrazovanja, njegujući i usavršavajući, pored teoretske i praktičnu obuku mladih kadrova na srednjoj školi i na fakultetu;
- raditi i dalje na omogućavanju obrazovanja uz rad na fakultetu;
- podsticati naučnoistraživački rad;
- zalagati se za korišćenje dostignuća nauke, tehnike i tehnologije u geodetskoj praksi, kao i na polju naučne organizacije rada;
- iznalaziti mogućnosti za humanizaciju i unapredjenje rada, radnih uslova i radnog prostora;
- poboljšati stanje informisanja saradjujući u Glasniku, pomažući da se njegov sadržaj poboljša, a izlaženje bude redovnije;
- učiniti napore da se što veći broj geodetskih stručnjaka pretplati na Geodetski list, koji je glasilo Saveza GIG-a Jugoslavije, radi praćenja stručnih zbivanja u Jugoslaviji i svijetu;
- u cilju stručnog uzdizanja kadrova, praćenja tokova nauke, tehnike, tehnologije i sveukupnih dostignuća održati više stručnih predavanja koja će biti interesantna i korisna za sve profile geodetskog kadra;
- u istom cilju nastojati da što veći broj članova Podružnice prisustvuje naučnim i stručnim savjetovanjima u zemlji i inostranstvu;
- angažovati se na organizaciji i učestvovati u radu savjetovanja koja će se održati u našem gradu;
- u okviru kulturno zabavnog života organizovati drugarske večeri, po mogućnosti, sportska takmičenja, zajedničke posjete izložbama itd.
- raditi na iznalazjenju trajnije materijalne osnove Saveza.

U ostvarivanju ovog programa Podružnica GIG-a Sarajevo uradila je sljedeće:

- Prikupljena je članarina i uključen je veći broj geodetskih stručnjaka koji do sada nisu bili članovi GIG-a,
  - održane su tri sjednice predsjedništva i više sjednica radnih grupa,
  - održano je drugarsko veće u prostorijama DIT-a,
  - održana su dva stručna predavanja:
1. Aspekti savremene fotogrametrije - Savić
  2. Oslanjanje gradskih geodetskih mreža na postojeću trigonometrijsku mrežu - Pržulj.